

*Estat et memoire de ceulx qui ont fait des reparations à l'esglise de ceste ville de Coindrieu depuis qu'elle a esté réédifiée comme est contenu cy-devant.*

Et premier honn<sup>e</sup> Charles Chol, bourgeois dudict Coindrieu, a fait faire la vitre de la grande fenestre quest au milieu de l'esglise, au dessus de la chapelle S<sup>t</sup> Sebastien, au dessoubz de laquelle fenestre est le vaz (4) et sepulture des predecesseurs dudict Chol fort antien, ladicte vitre faite en octobre 1588 [et enrichie des armoiries dudict Chol escartellées avec ceulx de sa femme. Depuis pour l'embellissement de ladicte esglise, ledict Chol a fait vne image de sainte Genefuieve en ladicte vitre en l'an 1605 (5)].

Le S<sup>r</sup> Anthoine Malezieu de Lion, cappiteyne de deux cens homme de guerre à pied estant en garnison en cette ville ou il demeura avec sadicte compagnie quatre mois, donna et fist fere au mois d'aost 1589 la vitre quest à la troiziesme fenestre de ladicte esglise, entre la susdicte chapelle de Saint Sebastien et la chapelle de Saint Pierre, à laquelle vitre sont peintes les armes dudict Malezieu.

Mons<sup>r</sup> Lagarde de Villars a donné pour aorer et reparer ladicte esglise ou damoizelle Claude de Tournon, sa femme, la custode de bois de noier peint et doré avec leurs armes, en laquelle on tient le peïn sacré pour celebrer la messe et le S<sup>t</sup> Sacrement, au deuant et milieu du grand autel, aussy a donné vng tapis de tripe de velours barré de

---

(4) *Vaz*, sépulcre souterrain, sarcophage. (V. Ducange au mot *vas*.)

(5) Les lignes comprises entre les signes [ ] sont d'une écriture plus récente.